

ITERANIBA N TE TABO N TE BETEBEKE

TE RONGORONGO MAN TE ITINGAUN N TE AONO

Rikiraken te Roroko nakon te Bootaki n Toa

Iroun Unimwaane Robert J. Dudfield

Te roroko nakon te Bootaki n Toa ni katoa wiiki bon karekean te tai nakoira n rinanoi berita ake ti karaoi inanon anaakin kanikina aika tabu, ao mani karaoana, e riki kabouakina bwa Te otenanti n te toa ae te kabanea n tabu ao ni kawaki inanon te bootaki n te Ekaretia. E taekinna Dalllin H. Oaks, “Ngkana ti karaurau ao n kakaonimaki ni kabouai ara berita n te bwabetito ao ngkai ti anaa te toa, ti kaboua ara kekeiaki ibukin te berita bwa ti na karekea n taai nako Tamneina iroura¹”. Ao aio bukina ngkai ana Kouru te Aono e katuruturu ia iai rikiraken mwaitiia membwa n roroko nakon te bootaki ae tabu aei.

Ngkana te berita aei inanora, te titiraki ngkanne bwa ti na kanga ni karikirakea te roroko nakon te bootaki n toa?

Te rikirake e riki ni kawai aika kakaokoro aika aua.

- Rikiraken te utu rinanon te bung
- Mwaingia membwa aika a boou
- Rairaki man Bwabetitoaki
- Mwiin te mwakuri ni kamarurung

Te Moan—Rikiraken te utu rinanon te bung

Te tua n te utu e a tia ni kamaataaka nakon Atam & Ewa ngke a tuangaki bwa a na nako ao man kamwaitia aia kariki. Te tua ibukin te utu bon te bwai ae kakannato nakoira ni bong aikai.

Unimwaane Neil L. Andersen e taku, “Ngkana ko nang kareke natim, ao iraman natim ae ko iangoia imarenam ngkoe te buu mwaane ao te buu aine, ao te Uea. Aio bon motinnano aika tabu—iango aika a riai ni karaoaki ma te tatara raoi ao ni mwakuriaki ma te onimaki raoi²”.

Karikirakeia ataei n te euangkerio, ma kakaean te taromauri n toa e katauraoi anga nakoia n reiakina te tia Kamaiu ao Ana tangira nakoia n tatabemaniaa nako.

Te Kauoua—Mwaingia membwa aika a boou

Ni katabeau n ana maunga-tabu te titeiki i Brisbane Australia n taai aika nako, temanna te membwa are kawarai ni kairiruai ma te Titeiki Beretitenti. E tuangai bwa ngaia ma ana utu a tibwa roko mai tinaniku ao a kakaia te tabo are ti botaki iai are



ngaia te tabo ni kabuta bwa e tangiria ni kan maeka iai ma ana utu. E taekina te bwai teuana ae tiku inanou. “Ara utu e mwaiti iai aika a ikawai aika tuai n iein, te rororrikirake, ao ataei aika urereke. E ngaa am mwaanga ae ti kona ni karaoa ara ibuobuoki iai? Aio are e kona ni buokira ni iangoia bwa e nga ae ti na mena iai. Ko kona n namakina te utu aei bwa ngkai a moanibwaia moa te Uea, ao kakabwaia a na bon rimwina.

Te Kateniua—Rairaki man Bwabetioaki

Ni 2013 n aia tai n tieminaa Beretitenti n te Mition, e taku

**Unimwaane
Robert J.
Dudfield**

Beretitenti Monson, "Ngkai aio aia tai membwa ao mitnare ni botaki, ni mwakuri ni kabane, ni beku n ana tawaana te Uea ni uoti tamnei Nakoina. E a tia ni katauraoa te ibuobuoki nakoira n tibwaua te euangkerio n anga aika a mwaiti, ao E na buokira n ara mwakuri ngkana ti mwakuri ma te onimaki ni kakororaoa Ana mwakuri.³" Waekoan butanakon rongorongo n taai aikai e katauraoa reken te tai are ti aki karereke a mai mwaina n tibwaua te euangkerio n te kawai ae aki kakamaaku.

E taku Beretitenti Hinckley, "Mitinare aika a bwanin aia tai a riai ni karaoa te anga reirei, ma membwa ngkana e riai, man reitanako te reirei anne ni mwengana bwa e na reitinako te mwakuri⁴."

Iai taai ake I a tia ni karaoa au tataro bwa mitinare a na kuneia aomata man reireinia. Ngke I tabe n taraa te mwakoro n taeka aei, I atia bwa te moan ao te kabanea ni kakawaki bon katabeau bwa N na kakaeia aomata bwa a na reireiaki irouia mitinare. Ngke ti tataro ni kakai anga nako, te kangaanga bon namakinan ana mwakuri te Tamnei are ti na kona iai ni kakaei bwa n ningai taai ake a na kaoti ao man kona ni mwakuri nako iai, nakon are ti na kanakoa reken te tai anne, ao man wareware nako ara iango bwa tera ae

riki. E kauringira Unimwaane Pearson n te Kanakobwana ibukia Beretitentii n Aono ni Beberuare 2014, "Iai teniu aekakia aomata, te koraki ake a karaoi bwaai bwa a na riki, te koraki ake a tarai bwaai aika riki, ao te koraki ake a mimi bwa tera bwaai aika a riki⁵" Te Uea e katauraoi bwaai nakoira bwa ti na kona ni karaoi bwaai bwa a na riki!

Imwiin anne, mitinare a bane ni katabuaki bwa a na reirei te euangkerio, man anganaki te kariaiakaki iroun ana Burabeti te Atua. Ngkana ti kaai ni mwakuri ngaira membwa ao mitinare n te mwakuri ae tabu aei, ni kaeka te wewete mairoun te burabeti ae maiu, ti na kona n noori kakai ni kaoti imwain are ti noori ni matara!

Te Kaua—Mwiin te mwakuri ni Kamarurung

A mwaiti mwiin mwakuri ni kamarurung ni kabuta aanon Tebetebike ike membwa ao mitinare a botaki ni mwakuri n karaoan te mwakuri ni kamaiu. E rawata karakinaia membwa ake a tia ni kaokaki imwiin kitinan te aro inanon ririki aika a mwaiti, ma ngke a oki mai mwiin reitakia ma kain te ekareitia a manga kairia membwa aika tiaki kain te aro ao raoraoia n oki ma ngaia!

N te mwakuri ni kamaiu ae I rekereke ma ngaia, te Bitiobi, te mitinare ae bwanin ana tai &

ao Ngai ti kawara mweengan te titita ae aki kakaonimaki. E a kaman kabaeaki te tai teuana te wiiki imwain te kakawari, ao riki bwa te bwai ae ataki ngke ti roko ni mweengaia are te Tamnei e a kam katauraoia. Buna are tiaki kain te aro e butimwaeira ni kmauriira imatan te mataroa, ao imwain ae tina taekin bwaai tabeua e a kaman atia bwa ibukin tera ti roko ikekei. Iai te kamimi teuana n ana kaeka are ti titirakinna ibukin oin rokora ni kawaria. "Kam na kaoai bwa N na bwabetitoaki" e waekoa ni kabwarabwara. Imwain are e reke ara tai ni kaeka, e a manga kabwarabwara "ngke I katauraoi imwain ami kakawari I rangi n rootaki bwa ngkai aio bon au tai ni bwabetitoaki!" Iangoa mimira n aron te butimwaei ae aki kantaningaki aei.

E bon rang n tamaroa kawaran te utu aei. Te kakao ae mimitong a bane n roko man tamnein te tangira ao te kangaanga a bane n nakoraoi. Buun teuiae e oki nakon te Ekaretia, ao ngaia ma natina teniman a bwabetitoaki. Te kabanea n tai are I noora te utu aei iai ngke I kakoaua aron teiraon te buu te mwaane ao te buu te aine, ni katorobubua n te bao ni karea ae mimitong n te tembora ma natia teniman ni kunnikainia n te mainaina, ni kabaeaki bwa te utu ae akea tokina. Ai mimitongira te taratara, bwa bwaai ni kabane a bane n reke, tai ni

kakawari a karaoaki, ao te kakaō ae mimitong e karababaki. Ngkana ti katuka korakorara ao ni karimoa bwaai ibukin te tia Kamaiu, man kakorakoraki n ana tangira, kakai ana bon riki. Antai aika a tangira te otenanti? Aio teuana te utu are e kabwaiaki rinanon ana otenanti te euangkerio, ao ni karaaoan aei, ti na kariaia mwaakan te Atua bwa e na kaoti inanon maiuia.

E taekinna Beretitenti Hinckley, "Ti karabwa te Uea, are ngaia ae karaoa aei, bwa te rikirake ae kamimi ae ti rinanona ngkai. Te rikirake n aia onimaki aomata e kaotia n rikiraken kakaean te

taromauri n toa, te roroko n te tembora . . . e riki bwa kaotan aia tangira ibukin te Uea ao ibukin Ana kakabwaia ae mwaiti⁶".

Te Uea e kawaekoa Ana mwakuri, ao karikirakean mwaitin te roroko ni kaeān te taromauri n toa ngaia kaotan te bonnano ni mwakuri ni kawaekoan te mwakuri ni kamaiu ni kabane. Ngkai E kawaekoa Ana mwakuri, ngaira aikai ti bia kawaekoa naba ara mwakuri, Ngkana ti reitinako ni kawaerakea mwaitia membwa ake a kaekaēa te taromauri n toa ni kabuta Tebetebēke, e bia riki te taromauri n toa bwa te maiu

n tamnei ae ko rinanona are e kakorakora te onimaki ao te koaua⁷ ngkai ti kaineti ara iango iaon te tia Kamaiu ao Ana ekareitia ae mimitong. ■

BWAII NI IBUOBUOKI

1. Dallin H. Oaks, "Always Have His Spirit [Karekea Tamneina n Aki Toki]," *Ensign*, Nobembwa 1996, 59.
2. Neil L. Andersen, "Children [Ataei]," *Liahona*, Nobembwa 2011, 28.
3. Thomas S. Monson, 2013 Tiemina ibukin te Beretitenti n te Mition.
4. Gordon B. Hinckley, man te Kanakobwana n te tiateraite are e karaoaki n te Salt Lake Tabernacle 21 Beberuare 1999.
5. Kevin W. Pearson, Kanakobwana ibukia Beretitenti n te Aono, Beberuare 2014.
6. Gordon B. Hinckley, "He Slumbers Not, nor Sleeps," *Ensign*, Mei 1983, 5.
7. Aeniboki 2, bowi n te ekaretia, 18.2.2.

ITERANIBA N TE TABO

Bwaika a reiakinaki mairouia Aomata aika Itiaki i Papua New Guinea

Iroun Unimwaane ao Titita Nom

Man te tai are ti toko iaon tanon Papua New Guinea ni Meei 2013, ti namakina Tamnein te Atua, ao man nene ara koaua bwa te onimaki e rimwiaki n te kakai are E karaoi. Ti noori kakai aika a riki!

N te moan Tabati, ti anaaki nakon te Mwaanga ae Saivara are e tei n tian Port Moresby. Ti rangi ni kabaeaki ma ara utu aika a boou n te Ekaretia. Bon te waaki ni mwakuri ae anganira te nanorinano n ara mition. Te umwantabu bon akea oona, akea kienia iaon timantina ae karaoaki n te kai, akea kaintekatekaia aika ananau, akea te iti ao akea n nen te tabo ni kaa, bukina bwa membwa akea oin aia ka. A nakonako inanon aoa aika a

mwaiti n nakon te taromauri n riaan te kabuehue, te bubu n tain te kabuehue, ao iaan te karau ma te bokaboka n tain te aomaimai. Akea temanna ae ngurengure.

Ti tangiria n roroko n te Mwaanga aei ni katoatai n aki ataia bwa te Uea iai ana babaire nakoira ae ti na kakoroa nanona.

N Okitobwa, 2013, te Mwaanga 9 te Maaire e ikotaki, ao te Mwaanga ae Gerehu e kateaki. Te mwaanga ae Saivara e a manga moan kateaki ao n riki bwa te Mwaanga ae 8 te Maaire.

Angaiia kain te aro ake a weteaki nakon te nakoa ni kairiiri are a aki rang ni kinaki raoi irovia Mataniwin te Nakoaibonga ake a karaoa



Membwa n te Mwaanga ae 8 te Maaire a karekea 100 te batienti ni kateimatoaia taan rairaki aika boou ma aia iraorao nakoia, ao n tibwauai oin aia taneiai ngke a mtinare.

te wewete. A bane ni weteaki man ana mwakuri te Atua. Ibukin te Beretitenti n te Mwaanga (Beretitenti Thomas Aji) aio ai tibwa moan weteana, ana Moan Kauntira (Te tari Keith Ramo) bon te mitinare ae e a tibwa bane naba ana tai, ao ana Kauoman ni Kauntira (Te tari Nashville Wararu) ai tibwa moan weteana naba.

Irarikin anne ara Mition e nambwani bonginibung, mate ao rekooti n te mare man ana Akaiwe PNG, ti rangi ni kakabwaiaki ngke e weteira ara Beretitenti n te Mition nakon nakoa ni kairiiri n te Mwaanga n reiakiniai rabakau ni kairiri. Te moan Tabati imwiini weteaia, ao n tuai ni katabuaki, nanoia ni “kawaekoa ana mwakuri te Uea e bon

teretere raoi. Ngke ti a roko n te Umwantabu, Kairake n Ataeinimwaane, Kairake n Ataeinaine ao Moanrinan a tia ni wakina aia reirei iaanikai n tekateka iaon kaintekateka kaai, are ngaia aia umwanreirei, bukina bwa akea n te Umwantabu.

Ti kakoaua te kakai n te onimaki, te nanorinano, ao te tangira. Beretitenti Aji e kaota te nanorinano n ana kairiiri man ana banna ni katooto. Ngke iai ana mwane ae tau ao e na kaea te bwati ma ana utu n nakon te taromauri. Ngkai e aki kona ni kabwaka kantokana, e nakonako teuana ao te iterana te aoa ni karokoa n te Umwantabu ibukin ana intawiu n 8:30 n te ingabong, ao ana utu a roko n te bwati imwina. Mwaitin te rooroko

e taboro teniua te tai man te tai are karaoaki iai te mwaanga.

Raun ana auti te aine ae e a tia ni mate buna e aki tau ni kanakoa te karau n te tai are e oneaki iai n tain te kakarau. Mwengana e mena iaon te maunga are akea kaai iai ibukin katanana. Te aine ae e a tia ni mate buna e bon nanorinano ma natina ao tibuna, ao ni kaitarai kangaanga. E aki ngurengure. Ngke e a ataa ana kangaanga te Beretitenti n te Botaki n aine, e uotarake te kangaanga nakoia te Beretitentii n te Mwaanga. E rineaki te Beretitenti n te Kooram n Unimwaane bwa e na nako n noria bwa tera ae tangiria ni karaoaki bwa e na riki bwa te tabo ni maeka ae raoiroi, ao ni karekeia te kabane mwane iaon karaoana. E baireaki te kabane mwane iaona, ao ni maroroakinaki n te bowi n te Beretitentii n te Mwaanga. Beretitenti Aji e titiraki bwa n ningai ae e na tauraoi iai te kai ao te biti, ao n tuangaki bwa e na tauraoi n te Kaabong, ana kaeka ae nanorinano “Ao ti a karaopia n te Kanimabong. Aio bon tain te kakarau. I anaa au tai ni motirawa, ao ngkoe ko tangiria naba”.

N te tai are e a tia n rineaki, e ngae ngke e kakarau taari n te Nakoanibonga a tamwarakea te maunga ma bwaai ake a kainnanoaki ni karaon te auti. Aei bon ana onimaki ao ana koaua te Beretitenti n te Mwaanga.

N tain te kakarau bon te nanorinano n noorakia utu n roko ma ti aia kiaba ni katania man te karau. Kabouan aia koaua e uotia nakon taromaurian Tamaia are I Karawa, te karau, te buaka, ke te riringa. Ngkana e kakarau botaki nako a kakaei taabo n te umwantabu ni karaoan aia kiraati nako. E aki rang n okioki te ongongora n anenean anene aika a kaokoro eeia n tain te kaukuki ao kainan taian waaki.

Kouru a bane n tia n tauraoi ibukia utu n nakon te Suva Fiji Tembora ibukin kabaeakia, ai uana naba ma mitinare ake a tia n oki ake a bairea naba aia mare n te tembora nakon raoia are a tia n rineia, are bon te mitinare are e a tia naba ni bane ana tai.

E taku Unimwaane Nom, Iai te ururing are I aki toki ni kawakinna. Aei bon taraaia mitinare are a tia ni bane aia tai ake a beku man 2000 nakon 2008. Aikai bon taari ake a tia n aki kakaonimaki, man tia ni iein ao iai natia, ao ngkai a oki rikaki nakon te Ekaretia inanon tabeua te namwakaina n nako. Ara botaki n toa bon te kabanea ni botaki. Imwiin te Botaki n toa a booti aia kaintekateka ni kamronron mitinare ake tengaun ma uoman ake a tia ni bane aia tai ao n tekateka ma naake a tibwa bwabeti-toaki ma naake a ukoukora taekan te Ekaretia ao ni maroro ma ngaia iaon baike a karekei iaon aia mition. Aio are e buokira 100 te batienti ni kateimatoaia ake a tibwa rairaki n te tai anne.” Membwa ake a tia ni mamaara inanon ririki aika a mwaiti a bane n tia n oki. Te Uea e kawaekoa ana mwakuri, ao E karaoi taian kakai. ■

Titita mai Samoa a tibwaua aia Tangira iaon Rongorongan te Utu n te Terewition

Pago Pago, American Samoa

Tagi Schwenke ao Afiona Faumuina a tangiria ni tibwauai kukureia ma wanawanaia ibukin te mwakuri iaon rongorongo te utu ma aomata nako I American Samoa. Ngkai iai aia burokuraem are a kakaraoia ni katoa wiki iaon te terewition.

“Liliu le Loto” (Rairan Naano) bon atun te kaongora are e nanako ni katoa itera n aoa n te eea ni katoa tairikin te Kauabong iaon te KVZK. E rikirake kinkina ngaia are te tabo ni kanakobwana e a manga kaokia ni

katoa tairikin te Moanibong.

Ni katoa wiiki kaotii tamneia kain te aba ake a maroro ao n tibwaua rongorongoia aia utu ao aia katei riki. Ngkai Samoa a rangi n taneiai ma rikilia ngkia ao man aei iai reitaki aika a boou imarenaia utu ake a raroanako.

Afiona Faumuina e tibwaua rongorongan ana utu ni moan waakin te burokuraem. Ngke e karaoa aei, Tua Nasseri Seve e noora te ara ae e kina. N te tai ae waekoa imwiin te burokuraem e wetea te tabo ni kanakobwana ao ni marooro ma Afiona.

E kabwarabwara, "Tibu te Unimwaane bon tarin tibum te Unimwaane ae ikawai nakoina, ao ngkai ti tibwauai rongorongo riki tabeua aika a raka i marenara."

Sinaiese (Sina) Peleti, te Katorika mai Tafuna, e anaki nanna man teuana mai buakon te burokuraem. E wewete ao man taku, "I tangiria ni kakaea taekan tibu te aine". E bairea mwanganana ni kawara te Tienta ibukin Rongorongan te Utu i Pago Pago Samoa Maeao ni bwakantain te Kaonobong are imwiina ni karaohoa a na kakae ibukin ana utu.

E tekateka imatan te monita n te kombiuta ma Apelu

Sina Peleti (e tekateka, i nuuka) e kawara ana Tienta n Rongorongan te Utu Pago Pago Samoa Maeao Titeiki ni kakaea tibuna te unaine ibukina ngke e nooria n te burokuraem n te terewition, "Liliu le Loto."

Opelu, temanna te tia mwakuri n Rongorongan te Utu, ao a uaia n aonraain ni kakae i ibukin rongorongan te utu. E matangare ma te kukurei ngke a bane n reke taekan ana utu. A reitinako ni kakaea rongorongan tibuna teunaine, ma te momoangare ae bubura ni kaotia bwa iai te nakoraoi.

Te Tienta n Rongorongo te Utu ae kamwengaraoi tiaki tii iai kombiuta are ko karekei iai rongorongo man te intanete ma iai naba taian mitiin ibukin birim aika uarereke are e kona ni wareki rekooti ibukin bwi aika a kakawaki ibukin American

Samoa. Te Tienta aei bon iai oin ana kaobi ni kaineti ma rekooti mai Samoa n te aro bwa aomata a kona n kakaei rongorongo n te tai ae waekoa.

Taito Navualaba bon kain Fiji are e mwakuri n te Tabo ni karaohoa ika i American Samoa. Tiaki kain te Ekaretia ao e kona n atongnga ngaia bwa te Katorika mai iroun tinana, ao te Kamatu mai iroun tamana.

Ngaia ao taan mwakuri n te Tienta n Rongorongan te Utu a rang n anaaki nanoia bwa "Taito" n te taetae n Samoa bon te ara ni bwanuea. A rangi ni ingainga ni kan ataia bwa e mena ao iai ana bakatibu mai Samoa. Te Tienta e kanakoi ana bubuti nako Salt Lake City ibukin rekooti mai Fiji iaon birim aika a uarereke are e na kona ni buokia n ana kakae.

Tagi Schwenke ao Afiona Faumuina bon tari ngaia aine, ao bon kain Ana Ekaretia Iesu Kristo Ibukia Aika a Itiaki ni Boong Aika Kaitira. Afiona bon te Tarekita n te Tienta n Rongorongan te Utu n te Ekaretia i Pago Pago Samoa Maeao Titeiki, ao tarina Tagi e mwakuri n te Bwabiriki Abeati n te Titeiki naba anne.

A bon kakoaua bwa rongorongan te utu ibukia aomata ni kabane, e ngae ngke tera am onimaki n am aro. "Ti na riai ni kaota aei nakoia!" e taku temanna nakon are temanna ngke a tabe n taetae ibukin korakoran





Afiona Faumuina (L) ao Tagi Schwenke (R) bon taari aine are a tibwaua aia tangira ibukin rongorongon te utu. A tei ikai i moan aia boutita ni kateiriki aia utu n tain teuana te bootaki n reirei ietan te ai are e booaki i American Samoa.

te bwai ni mwakuri are e tauraoi
rinanon te Ekaretia n te tienta ao
te aonraain. A manga iangoia,
“Ao tera aron te burokuraem n te
terewition?” Nikirana bon rongo-
rongan te utu.

Afiona ao raona ni mwakuri n Rongorongan te Utu a karaoa ae raka riki n karekeka te rekooti bwa e na kona n karekeaki iro- uia aomata nako. A tia ni karaoa araia aomata nako, boong ao ro- ngorongo ake a karekeaki man birim ake a uarereke ao mwai- kuro biiti ni irekereke nakon American Samoa ao Samoa. Te mwakuri e bon reitinako, ngkai e kona ni karaoaki kakaei iaon

te kombiuta imarenan 200, 000 aara, taian bong ao bwaai ake a riki n te rekoti anne. A mwaiti aara ao bwai ake a riki ake a karinaki ni katoa wiiki.

N tairikin te Kaonobong, te ka-3 n Uoote ae te Leone e karaoa aia botaki n anene ima-renaia kain te Moanrinan ao te Rororrikirake, n atunaki n "Ia vala' aulia Aiga e o mai Fa'atasi ia Keriso!" (Weteia utu nakon Kristo). Te kamataku bon taian tioro, te tina ni ikatotoa ma na-tina, kuaea man te Moanrinan ao kuaea mai iroquia te rororrikirake.

Itinanikun te bouea (foyer) n
te autinibotaki a katamaroaki ma

taian tiata iaon rongorongan te utu, tamnei, ao tiata n te kateiriki are a karaopia ataei, kairake, ao ikawai. Tagi ao Afona a rangi ni kukurei n tei imatan aia boutita n te utu, n tauraoi n tibwaua kukureia ma tabeman.

Ngke a wareki ara aomata iaon tiata n te kateiriki ao boutita ni kaineti ma bwaai ake a riki n te tai anne, a mwaiti bwai aika a boou man aki kantaningaki ake a karaoaki. N te tairiki anne, te mitinare ae e a ikawai man te US e tara ana boutita Bitiobi Leiata ao e taku, "Unimwaane Uati Leiataua bon toau ni mitinare i Samoa 43 te ririki n nako." E kaeka te bitiobi ma te momo-angare ae bubura iaon moana, "Bon ngaia tariu ae uarereke!"

Te reitaki ao reiakinara ibukin
ara utu e rang ni kakawaki n ana
reirei Ana Ekaretia Iesu Kristo
Ibukia Aika Itiaki ni Boong Aika
Kaitira. Bon te bwai ae ti tata-
ngiria n tibwauuaia nakoia mirion
aomata ni kabuta te aonaaba. ■

Tuan te Mauri . . .

Te Tataro e Karika te Toronibwai n te Namakin ao te Maiun n Tamnei

Te tataro e aki tii tamaroa
ibukin te tamnei, ma ibukin
naba, kateimotoan tei raoin ara
iango, ni kaineti nakon rikira-
ken te rabwata n te kamatebwai

n te botaki ni kakae n aroia aomata. Te kabanea ni tamaroa n tein te tataro e irekereke ma te kokoaua ao te kaniaki n reitaki ma Tamam are I Karawa (ie. Te tataro n tainako) ao ni kariaia nanom ni kakauongo raoi (ie. Te tataro are ko iangoia raoi). Beretitenti Monson e kabwara-bwara bwa te mwakuri e airiri ma te tataro; "Tataro ngkai bwa bwaai ni kabane a bon nako mairoun te Atua, ao mwakuri ngkai bwaai ni kabane a bon bane n nako mai iroum."

Te marurung ni karekean te toronibwai e kantaningaira bwa ti na karaoi bwaai nako man korakorara ni kaitarai kainnana, ao man reiakinna bwa ti na kanga ni karekei buoka riki tabeua ni karekean te bitaki. Ti bane ni kainnanaoa te ibuobuoki ao te kairiiri mai irouia tabemwaang, ni ikotaki ma aia boutoka utu, mweenga ke taan reirei ni kakawari, te Beretitenti n te Botaki n Aine, ke taan kai-riiri n te koraam, man aki taekin buoka aika mwaiti n ara tabo ni karinanaki man te Botaki ni Kuakua nakon ana mwakuri te Botaki n Reirei. Iaon akanne ni kabane ti kainnanaoa ara reitaki ma Tamara are I Karawa ao te tia Kamaiu, are mairouia ao ti bane n tine iaana. Te tataro bon te bwai ae kona ni buokira ni karikirakea te toronibwai n te namakin ao te maiun tamnei rinanon te korakora are e riaon are bon mairoura, ao ni

karekean te kairiiri bwa tera te bwai ae ti riai ni karaoia.

Ti mena n te aonaaba are e kaunga te kakukurei. N taai tabetai ti tangiri kaeka aika tawe ke katokan kangaanga n te maiu aei. Beretitenti Packer e kauri-ningia taan kairiri n te Ekaretia bwa ana taratara raoi ma tiaki n "ti kaboi" man anga kamatata ke reke ake a titiraki iai membwa.

Karaoaan aei e na kona n anaa korakaia tabeman are a rinanona n aia katorobubua ni kakaean kaeka ao kairiiri mairoun Tamaia are i Karawa. Te waaki ni kora-kai n tataro aei e karikirakea te korakora n tamnei, e reireinira bwa ti na kanga ni karekea te kaotioti, e kananoa ara reitaki ma Atuara, ao e katauraoa te rau ao te katanaki. ■

Iango ibukin Karinan ana Iteraniba te Riaona ao ana Iteraniba Ana Webu te Aba

Ngkana iai am onimaki ae ko na katanoata, ke karaki aika na kamatoa te koaua ti kona ni karinna n te maekatiin, ke iaon ana webutiate te Ekaretia, taiaoka imeerin nakon: liahona-pacific@ldschurch.org

Karaki ana riai n 350–500 te taeka.

Taiaoka Karin rongorongo aikai:

- Aran te aomata are e korea te rongorongo
- Te tamnei ae tamaroa ngkana e tauraoi
- Aran te tia rawetamnei ao te kariaiakaki ni kamanenaan te tamnei
- kabwarabwaran te korobanna, ni ikotaki ma bwaninin raoi ariaia aomata n te tamnei, ao aia kariaia bukin boretian tamneia. ■

